

景宗德文翼武純仁宣孝大王實錄卷之十

壬寅十月朔癸丑夜南方坤方有氣如火光○以俞彥通為正言李台佐為戶

曹判書○承旨持公事王堂召對入侍承旨李明彥曰德興大院君於國家為

私親而奉祀事體重大李世禎罪名至重固不當承襲奉祀而向來特以弘述

之姪許令奉祀已極駭然况今明佐以逆誅死似當移宗德興祠方在其家香

火頓廢云誠為未安宜令禮官擇賢立後 上允之明彥又曰讓寧大君以世

子讓位於 世宗無異泰伯之至德故名其祠曰至德子孫中絕香火無主年

前朝家已令擇賢繼絕而尚未立祠云亦宜令禮官立後 上曰唯○甲寅兩

司大司憲金一鏡持平金始合啓 不從府院前啓亦不從○平安道順安地

雷動○乙卯大司憲金一鏡持平金始燁司諫鄭楷獻納李明誼等請對入侍

合啓請泰采按律 上曰勿煩又請昌集願命戮屍 上曰勿煩諸臣相繼力

請 上不許始燁讀奏前啓三件楷又讀奏前啓三件 上皆不從一鏡進曰

頃日請對時以金姓宮人出付鞠獄事陳達自 上有煩擾中忘却之教臣謂

即當出付今至十日尚此寂寥羣情莫不抑鬱其果留念耶 上曰然矣一鏡

曰君德成就在於經筵而經筵廢閣不行誠甚悶鬱 聖體不康而日氣盛熱

壬寅